


**nafn
vikunnar**



*Iðnþróunarfélag
Eyjafjarðarbyggða:*
**Finnbogi
Jónsson
ráðinn**

Umsóknarfrestur um starf framkvæmdastjóra Iðnþróunarfélags Eyjafjarðarbyggða hf. rann út 30. júní sl. Sex umsóknir bárust um starf framkvæmdastjóra, en einn umsækjandi dró síðar umsókn sína til baka.

Stjórn félagsins ákvað á fundi sínum 9. ágúst sl. að ráða einn umsækjanda, Finnbooga Jónsson verkfræðing sem framkvæmdastjóra félagsins. Er gert ráð fyrir að hann hefji störf hjá félaginu í byrjun nóvember nk.

Allmargir sýndu félaginu og framtíðarstarfsemi þess áhuga og buðu fram þjónustu sína á sviði rannsókna og ráðgjafar.


**Samtök
rafeinda-
fyrirtækja
fá styrk**

Á fundi norræna Iðnaðarsjóðsins sem haldinn var á Akureyri í vikunni var samþykkt að veita 100 þúsund krónum sænskum til Samtaka rafeindafyrirtækja á Íslandi til að vinna 5 ára þróunaráætlun fyrir fyrirtækin. Þá var einnig samþykkt að veita lán til íslensks og sænsks aðila sem fást við gerfilimasmiði, en skilyrði fyrir lán- eða styrkveitingum er að verkefni snerti a.m.k. tvö Norðurlandanna. Aðalfulltrúi Íslands í stjórn sjóðsins er Kristmundur Halldórsson deildarstjóri og er hann jafnframt formaður stjórnarinnar þetta ár. Þá á sæti í stjórn sjóðsins einn fulltrúi frá Norðforsk sem er sameiginlegur vettvangur norrænu rannsóknarráðanna, Dr. Vilhjálmur Lúðvíksson, framkvæmdastjóri Rannsóknarráðs ríkisins.

Sjóðurinn hefur aðsetur í Stokkhólmi.



Rúna við gerð veggflísa hjá Bing og Gröndahl.




Þetta stell var gert sérstaklega fyrir brúðkaup Kristjáns X 1897.

Þeir eru líklega fáir Íslendingarnir sem ekki þekkja fyrirtækið Bing og Gröndahl og framleiðslu þess. Margar íslenskar fjölskyldur eiga muni frá fyrirtækinu uppá hillu en vörur þess hafa verið seldar hér frá því uppúr aldamótum. Hver þekkir ekki Máfastellið sem er heimilisstólt á mörgum heimilum? Undanarin á má segja að tiskan hafi snúið baki við fingerðum postulinslutum og upphafið í staðinn gróft steintau.

Ungt fólk hefur orðað máfastellið við borgaraskap og tildur foreldrakynslóðarinnar og kosið sér ódýrari og einfaldari ílát undir hið daglega brauð. En smekkur manna fer jafnan í hring og svo er einnig um máfastellið. Nú hefur ungt fólk fengið augastað á rómantikinni að nýju, fallegir, gamaldags munir, úr ekta efnum eru það sem unga fólk vill. Og máfastellið er aftur í tisku.

Þetta var stuttur formáli en er einmitt tækifæri fyrir alla þá sem vilja kynna þessum vörum að sjá þær á göngum Kjarvalsstaða. Þar stendur yfir í nokkra daga umfangsmikil sýning á vörum fyrirtækisins frá því það var stofnað árið 1853 af bræðrum tveimur með eftirnafnið Bing og hinum þriðja, sem hét Gröndahl. Sýningin á Kjarvalsstöðum stendur aðeins í fimm daga, eða fram á mánudag, en þetta er ekki sölusýning. Fluttir hafa verið til landsins nokkrir af elstu og verð-

**Bing og Gröndahl
á Kjarvalsstöðum**



Óglerhúðaðar postulinsstytur, biskvi" eftir Thorvaldssen. Styttan er sjálfmynd frá 1855, þar sem listamaðurinn styður sig við styttuna „Vonin". Ljós. -gel-

*Styttur Thorvaldsens, brúðkaups-
stell Kristjáns X. og mávastellið*

mætustu hlutunum frá fyrstu árum fyrirtækisins og eru munirnir tryggðir fyrir um 2 miljónir danskra króna.

Með sýningunni eru hér 6 Danir, listráðunautar, málara og fleiri. Þeir sýndu blaðamönnum sýninguna og kynntu fyrir þeim fyrirtækið, auk þess sem blaðamenn fengu að spreyta sig á að mála á postulini. Það verður spennandi að sjá gripina, þegar þeir koma aftur frá Kaupmannahöfn, þar sem þeir verða brenndir og húðaðir í verksmiðjunni.

Á þessari sýningu er einnig sýndur borðbúnaður, en nokkur félagasamtök og fyrirtæki hafa kreytt borð. Verður sérstök dómnefnd látin velja fegurstu skreytinguna. Þarna eru einnig kynntar ýmsar nýjungar í framleiðslunni m.a. steintau og stytur ýmiss konar, en mest ber þó á hinu fræga handmálada postulini, vösum, stellem, mædraplöttum,

jólaplöttum (þarna eru allir jóla-plattarnir frá upphafi) óglerhúðuðu postulini, (biskvi) og fleiru.

Tveir Íslendingar hafa unnið hjá fyrirtækinu við listhönnun, en það eru þau Bertil Thorvaldssen og Rúna. Styttur Thorvaldssen og rismyndir voru raunar meðal þess fyrsta sem fyrirtækið framleiddi og þarna eru margar af hans fallegustu stytum í smækkaðri mynd. Þá hafa margir af fremstu listamönnum sinnar samtíðar haft tengsl við fyrirtækið og haft áhrif á þróun þess m.a. Willumsen, Kai Nielsen og Jean Gauguin (sonur franska málara Paul Gauguin) Rúna (Sigrún Guðjónsdóttir) hefur gert veggflisar fyrir fyrirtækið og eru þær nú sýndar á Kjarvalsstöðum. Þá geta Íslendingar spreytt sig á að búa til munstur, en efnt er til samkeppni um bestu diskaskreytinguna. Sýningin verður opin frá 14-22 til mánudagskvölds.

— þs



Bláa blómíð, elsta postulinsmynstur sem vitað er um í heiminum, komið frá Kína. Hér er það á borði sem skreytt hefur verið fyrir sýninguna á Kjarvalsstöðum.



Hver kannast ekki við þessar stytur?